

丁鶴年集

丁鶴年集

湖北先正遺書集部



河陽盧氏慎始

基高俗文津閣

本景印



欽定四庫全書

集部五

鶴年詩集

別集類四元

提要

臣等謹案鶴年詩集三卷元丁鶴年撰鶴年

本回回人祖父世為顯官鶴年獨不仕尚節

操有孝行烏斯道戴良為作傳以申屠蟠擬

之元亡避地四明後歸老武昌山中所為詩

本名海巢集此本但題丁鶴年先生集不知

鶴年詩集

鶴年詩集

何人所編以各體分載合為一卷後有鶴年  
長兄浙東僉都元帥吉雅摩迪音詩九首次  
兄翰林應奉阿里沙詩三首又鶴年表兄樊  
川吳惟善詩五首蓋皆後人所附入也鶴年  
於詩用工極深尤長於五七言近體沈鬱頓  
挫無元季纖靡之習集中順帝北奔以後諸  
作纏綿悱惻不忘故君其志尤有足悲者云  
乾隆四十九年閏三月恭校上

總纂官臣紀昀臣陸錫熊臣孫士毅

總校官臣陸費墀

鶴年詩集序

武昌丁鶴年先生以詩鳴湖湘間膾炙人口久矣余友  
四明章琦廷玉典教斯邑以其板廢不存將重刻以興  
起之前杭州府學教授唐公仲節於先生為契家子自  
武昌來不惟重先生之詩而且重廷玉之斯舉蓋義舉  
也徵余序其所以於首簡余聞言之精者謂之文而詩  
於文又其精者也必其一字一句瀟灑出塵使人雋永  
之不忘斯足謂之詩況先生負俊爽之才加以用心之


專宜其為詩名擅於時至流落人間人得之以贈多諸  
口則何啻若得元霜紺雪以疏滌其腸胃哉此先生之  
詩固不可不傳也抑孰知修廢舉墜則又為君子盛德  
事大抵天地間前人作之於前者必賴後人述之於後  
彼或已成之事無後之人以維持之則幾何不至於泯  
沒無聞哉若廷玉於先生之詩能興之於既廢之餘則  
其用心之仁誠可謂之不愧為君子也已且余聞廷玉  
蒞教斯邑其造就人才薰陶涵育愚者必欲使之明柔



者必欲使之強致鼓篋而來者無不得其所依歸蓋亦  
莫非推是心而然也噫廷玉其賢矣哉夫廷玉蓋明公  
子厥父敬先讀書惇行嘗尹隆平有德及民雖終至今  
民猶思之不置厥兄廷璧厥弟廷瑛亦皆以明經顯咸  
擁師席名隱隱起縉紳間余以昔與廷玉季父沐陽教  
諭魯先交故廷玉昆季為之往來頗密每重其一門父  
子兄弟之賢方念睽離之久欲一昏晤而不可得適唐  
公有是請則余又烏得不喜廷玉之有此義舉而樂為

序其集之首云正統二年歲次丁巳秋九月上澣中憲  
大夫太常少卿蕭山魏驥書

欽定四庫全書



元 丁鶴年 撰

曲若欲知苦心須食蓮中肉  
久不愁花妬容惟恐刺傷手

採蓮復採蓮藕亦不可棄中有不斷絲似妾纏綿意

採蓮復採蓮，爭如採荷好。花謝葉獨存，團圓似終老。  
採蓮復採蓮，湖水清且深。徒能照妾面，不能照妾心。  
採蓮復採蓮，下有孤鶯鶯。秋花不結實，夜夜守空房。

又

蓮花開覆水，蓮謝藕在泥。不學青萍葉，隨波東復西。  
朝採並蒂蓮，暮綰同心結。不學綠楊枝，含嚔送離別。

又

蓮舟何處來，同聚南湖口。郎憐波上花，妾愛泥中藕。

藕有青白節花有艷冶容郎心異妾心三歎掩歸蓬

五言絕句

題天柱山圖

拔翠五雲中擎天不計功誰能凌絕頂看取日升東

畫蟬

飲露身何潔吟風韻更長斜陽千萬樹無處避螿螂

畫古木幽篁

碧海珊瑚樹清湘翡翠毛無因將寄遠日暮寸心勞

畫葡萄

江海春雷動羣龍  
悉上天秋來風露冷  
箇箇抱珠眠

題江亭柳色圖

有懷故人  
劉庸道

昔年醜酒地江漢  
一茅亭同會人何在  
東風柳又青

次先兄太守題竹韻

先兄死事之十有七年于故  
史董文中家見所作題竹詩

謹次  
其韻

玉笋謝朝班西風海國寒  
無人知苦節落日下長安

題赤壁圖



橫梁英聲遠聞簫逸興長至今風月夜鶴夢繞黃岡

題謝安觀山圖

欲為蒼生起神州未可還籌思保江表安若會稽山

題長溪獨釣圖

為舒  
庵作

溪上釣西風心隨溪水東後車今已載何待兆非熊

題鄭高士畫竹

鄭君高節士瀟灑絕人羣獨把青鸞尾山窓掃白雲

題畫梅竹

為郭志  
善作

姑射下天壇  
天空鬢影寒  
雪深歸路迫  
獨自跨青鸞

畫梅

為吳翁作

老向江南住  
梅花共歲寒  
故人清興在  
踏雪幾回看

畫蘭

湘皋風日美  
芳草不勝春  
欲採紉為佩  
慚非楚蓋臣

畫菜

為馬上  
舍作

蔬畦新雨過  
小摘稱君貧  
若入君王夢  
瓊林第一人

畫竹

拂素寫晴窗亭亭玉一雙蒼龍雷喚醒風雨偏湘江

畫蘿蔔

高氏賢兄弟常將備夕餐如何清列士今作畫圖看

畫菘菜

老圃青青甲平生味飽諳本無食肉相豈是厭肥甘

枯木竹石

青天騰一蛟白日卧雙虎何人歌竹枝遥隔瀟湘浦

小畫

遠水吞天碧危峰拔地青何由雲樹底揮麈坐茅亭

又

翠黛浮晴漢虬枝立螭烟迴舟不用楫江上水吞天

靜樂軒

為脩江句  
自成作

清心如止水一月印當中誰道芭蕉雨瀟瀟解惱公

臨水梅

為昌長  
老作

疎花清有影止水靜無埃好似菩提樹明明照鏡臺

橫窗梅

同前

禪窗夜虛明照見臞僊影上人對空花悠然發深省

畫竹

為天師題

夜誦藥珠經羣真悉下聽僊壇神自掃拾得鳳凰翎

長江萬里圖

將歸武昌  
自賦二首

長江千萬里何處是懷鄉忽見晴川樹依稀認漢陽  
長嘯還江國遲回別海鄉春潮如有意相送過潯陽

畫梅

松筠淹雨雪桃李逐風塵不有梅花樹誰回天地春

又

鐵石挺孤杓冰霜抱貞素一笑桃李空嗟哉歲云暮

詠蟬

蟬惟極清高愁吟類楚騷炎天風露薄度日亦嗷嗷

題落花芳草白頭翁

草長連朝雨花殘一夜風青春留不住啼殺白頭翁

五言律詩

汨汨



汨汨在塵埃，羈懷不暫開。  
病將顏玉去，愁送鬢絲來。  
招隱慙高蹈，扶顛乏大才。  
行藏成兩失，回首有餘哀。

送四兄往杭後寄

臨別強言笑，獨歸情轉哀。  
離魂淒欲斷，孤抱鬱難開。  
太守堤邊柳，徵君宅畔梅。  
過逢如見憶，煩寄一枝來。

逃禪室卧病東諸禪侶

高秋多病客，古寺寄黃昏。  
野迥常疑虎，天寒早閉門。  
離愁燈下影，鄉淚枕邊痕。  
賴有諸禪侶，情親似弟昆。

次烏繼善先生見寄韻

扶杖日行吟悠然太古心  
風雲遺壯氣山水效清音  
大雅消沈久斯文感慨深  
幸瞻喬梓在奕葉盡成陰

挽柴吏目

奕世蓮花幙人稱漢吏師  
都緣叅贊重頗覺轉遷遲  
雅論非三語清聲是四知  
猶餘前案牘長作後箴規

挽章處士

定海人晚  
年好道

流年驚逝水世事逐飄風  
卜築隣蓬島移家類葛洪  
丹

還金鼎伏劔解玉棺空惟有松壇月通宵貫彩虹

挽脩竹處士

丹旒飄零日人琴歎已亡論交存古道守拙隱仙鄉展  
帙依朝爽移樽坐夕涼免孫皆玉立尤足寄遺芳

寄鄉親濟陽公

武昌蔡啟住浙江等處行中書  
省叅知政事誥贈三代公爵

身遠鄉情重窮途客病深參苓頻在眼桑梓最關心居  
簡便夷俗含凄效越吟自從遭喪亂辛苦到如今

登北固山多景樓

風月無邊地乾坤有此樓城隨山北固潮蹴海西流眼  
界寬三島胸襟隘九州階前遺恨石誰復話安劉

幽期

何處赴幽期青林白谷陔谷虛秋氣早林茂曙光遲談  
罷風生塵歌闌月在危謀身良自足何補國安危

次友人張孟善承贈以詩韻

去去成長往悠悠事遠遊躡雲雙短屐載月一虛舟江  
海魚龍夜山林鶴鶴秋誦君佳麗句慰我別離憂

春日海村三首

地僻囂塵遠人稀習俗淳  
花時恒獨往隨氣踏晴春  
斑竹過頭杖烏紗折角巾  
蕭然多古意何愧葛天民

門巷絕輪蹄春深綠草齊  
風光不相負泉石且幽棲  
捲幔通花氣移床避燕泥  
時時得佳句自向竹間題  
每恨韶華晚仍嗟老病催  
閉門花落盡隱几鳥飛回  
引睡書千卷消愁酒一盃  
平生志士氣此日孰相恢

寓慈湖僧舍次龍子高提舉韻

迢遞過蘭若淹留為竹林疎鐘雲嶠迫孤竹雨窗深長  
嘯非懷昔狂歌豈避今祇緣諸漏盡不受一塵侵

慈溪度夏報國寺寄甬東春上人

一徑野雲深僧闕綠陰雨腥龍出澗風勁虎過林澹  
泊資禪味清涼養道心三生如不昧石上一來尋

涵清軒

為慈溪慈  
上人作

止水纔盈掬涵空有底寬玉壺秋影淨金鏡曉來寒落  
月斜沈白流霞淺浴丹上人方宴坐應向觀中看



贈李仙姑

何年萼綠華來降地仙  
家花擁青鸞節香隨白鹿車  
清輝迴雪月元想結雲霞  
不赴瑤池宴桃開幾度花

贈濟古舟

久留勾踐國同寓給孤園  
聊發溪頭笑何殊石上魂  
卧雲秋對榻敲月夜過門  
願奉三乘法常依兩足尊

送二僧往浣花草堂度夏

濟古舟新古銘二  
公皆浙東名僧也

吟遍赤城霞行行入浣紗  
為人無芥蒂留客有瓜茶  
寂

寂先賢宅堂堂古佛家老懷因二士亦欲製袈裟

題宋貢士袁庸死節傳後

四明人

始獲鄉闈薦俄驚國祚傾丹心回日馭赤手抗天兵自  
可敦衰薄何煩較死生文山嘉傳在端合附高名

送定海許縣丞

蛟門佐邑滿南去候庭闈雨露隨花綬雲霞避綵衣賢  
聲今已著色養舊無違萬里滄溟月清秋作伴歸

送鄞縣鮑秀才

貧病吾何有深漸鮑叔知  
可堪遲暮日翻值別離時  
霜月棲烏府風雲浴鳳池  
壯遊如得意音問莫教違

題湖山獨步圖

杖履湖山外悠然與世違  
水邊圓月上巖際待雲歸  
隨鹿過樵徑看鷗到釣磯  
只今瞻畫像猶想挹清輝

慈溪歸隱

為馮子木  
大尹作

舊隱慈谿上歸休足自怡  
水翻琴上曲山送畫中詩  
叢菊秋容淡孤松晝景遲  
依然對猿鶴無愧北山移

題四明倪仲權處士像

松間新雨過清覽出亭皋雲逐青驄馬風生白苧袍幽  
懷隨地遠詩興與秋高囊錦歸時重應知從者勞

題介石齋

為四明倪克介作

介石存中正能為逸豫防礪金緣寂勁攻玉豈徒剛貞  
德南山配神機北斗當補天應有待五色爛文章

題筠軒

為定海胡處士賦

種竹繞前楹年深勁節成薄雲通雨氣清夜動秋聲魚

豕空遺簡鸞凰合度笙往來三徑熟不負歲寒盟

漁村書隱

為四明李處士賦

彼美歲修者為漁住海鄉傍沙觀鳥跡臨水暎螢光舟  
楫須經濟絲綸擬對揚得魚供色養綠服日升堂

靜樂堂

為寧都鄒處士賦

寂寂幽棲地無營足自怡清泉流道脈白月淨詩脾每  
到忘機處翻為得意時豁然成猛省太極是吾師

勉濟國諸郎

濟國諸公子風標各擅場青陽生玉氣白月隱珠光  
閱家聲重詩書世澤長直須同素志早為繼遺芳

挽四明樂仲本先生

被誣寃  
死京獄

斯人嗟已矣吾道轉消沈文物招前古功名困至今  
空山方泣玉同舍忽誣金白首號天處飛霜六月深

又

昔訪幽棲地論文十日還圖書花竹裏窗戶水雲間  
一別成千載孤魂隔萬山  
畏鷄吾老矣東望涕長潛

武昌南湖度夏

南浦幽棲地當門  
菴畫開青山入雲去  
白雨渡湖來石  
潤生龍氣川光媚  
蚌胎芙蓉三百頃  
何處著炎埃

題鵲山書堂

為進士吳仲英作

已為蟾闕彥仍就鵲山居  
綵服晨供饌青藜夜照書  
寒香三徑小清籟四窗虛  
仕學俱優日承明別有廬

送章彥端赴夔州太守

春雪徧林皋清寒襲緼袍  
題詩送賢守呵凍強揮毫  
別



思巴江永才名蜀嶺高文翁嘉政在化俗莫辭勞

送儒士伯堅赴會試

天子興文治春官策譽髦魚龍爭變化麟鳳並遊遨  
玉殿紅雲合金門紫氣高臚傳稱第一宮柳映恩袍

寄定海縣丞張允達

幽興日相關應知吏事閒哦詩松竹裏問俗水雲間  
蜃氣烟中海猿聲月下山蓬萊常五色有待進仙班

挽繆將軍

大將捐公館哀音徹帝廷  
殞星芒角赤馭日簡編青  
禮賻膺天眷佳城獲地靈  
唯餘馮異樹寂寞倚園亭

挽唐都事

十年滄海上辛苦贊成機  
帷幄籌雖在轅門事已非  
黃金從百鍊白璧竟全歸  
生死俱無憾千秋仰德輝

客懷

蓬萍無定跡終歲客他鄉  
病骨驚秋早愁心入夜長  
文章非豹隱韜略豈鷹揚  
磨滅餘方寸還同百鍊鋼

病衰

病骨秋增痛衰容日減華  
臉霞憐竹葉鬢雪妬菱花  
往事嗟何及歸程望轉賒  
少年歌舞地此日屬誰家

五言古選

秋藻

綠水出紅蕖清麗世無比  
旭日照新粧盈盈明鏡裏  
亦有後時者淒然抱孤蕊  
欲開風露寒寂寂含香死

梅林書屋

為四明陸  
秀才作

陸郎好脩士讀書梅屋下冰雪共清寒風月同瀟灑彈  
琴聊對花調鼎須待實豈無松竹交歲晚為三益

題畫

天連翠障開雨挾銀河瀉中有澹蕩人於馬結茅舍朝  
漁曲水濱暮獵平林下危途策羸驂汨汨胡為者

又

荒荒野野日低漠漠江雲冷喬林延暮光澄波浴秋影高  
人千載懷乾坤一漁艇

奉懷九靈先生就次其留別舊韻二首

晴霞麗層霄淑景媚清曙冉冉草際煙盈盈花上露幽禽何處來飛鳴入庭樹不見心所親為詠停雲句

攀桂月扶疎撫松雲陸離豈無淡蕩懷亦有幽人期何緣對清景孤坐度芳時故人不可見新交非所知

歲晏百憂集二首

歲晏百憂集獨坐蟬鳴琴琴聲久不諧何以怡我心拂衣出門去荆棘當道深還歸茅屋底抱膝梁父吟

歲晏百憂病擊節發商歌商歌未終調淚下如懸河故  
鄉渺何許北斗南嵯峨有家不可歸無家將奈何

悼亡

別時如玉人歸來死生隔日暮泣孤墳音容杳難得惟  
餘墳上草猶帶羅裙色

湖上二首

鴛鴦湖中飛還向湖中落不比薄情人天涯并海角  
汀鷺映湖波清白兩無愧立盡風雨寒頗為口腹累

五言長篇

長嘯篇

惟遠度可量惟暗燭可照丈夫窮達際安可以逆料區  
區并觀天擾擾管窺豹象論徒沸騰誰能領其要韓信  
出滕下市井皆哄笑范睢置廁中醉客更相溺一朝佐  
秦漢將相無同調聲名六合馳事業九天耀平生怨與  
恩歷歷加顯報以馬飼故人以尉乞惡少是非姑置之  
獨往發長嘯



挽倪仲權處士

維鄞有高士乃居城北門伯叔列茅土弟昆羅搢紳先  
生視富貴蔑若行空雲蕭然坐一室詩書日討論忠信  
化閭里孝友敦親姻用茲以歿世人亡道彌尊我昔客  
東海託交見天真犖犖金石義藹藹骨肉恩豈意隔生  
死相思勞夢魂尚憐靈鳳毛符彩備五珍每過話疇昔  
相對淚沾巾我悲匪免女所感在斯文

贈劉全真

峨峨崆峒山去天不盈尺西挹弱水流東掛扶桑日中  
有學仙人眉白雙眼碧餐霞衣雲霧凝神鍊精魄獬龍  
及猛虎視之如蟣蝨功成朝紫皇名隸丹臺籍幡然汗  
漫遶飛行隘八極滄海重揚塵蟠桃幾結實天上與地  
下俯仰成陳迹歸來斂衽坐倒卷入冥寂萬象吾肺腑  
四氣吾噓吸乃知大還資不離嬰兒質虫虫世間人斷  
喪哀可惜

觀鄭高士獨坐圖

凝身危石踞屏息遊絲搖電光射元關龍虎聲咆哮天  
君寂不動萬象俱來朝甘露降瓊田五色發靈苗何必  
入青冥然後為逍遙

風泉清聽

為文光  
禪師賦

幽棲空谷中石室開蘿徑坐閱造化機動靜互相勝風  
生萬籟隨雨過百泉應蕭蕭亂疎鐘泠泠隱清磬虎嘯  
山月昏龍吟海波靜上人謝聲塵悠然入深定喧寂兩  
俱忘是乃名真聽

白雪精舍

為諸  
上人作

白雲何處來油然在巖岫下有古精藍  
凌雲起華構吐吞金碧輝隱見林泉秀  
常從護法龍低接噴香獸覺花映益明  
忍草滋愈茂高僧亦無心怡悅坐清晝  
安得乘長風遍界陰涼覆法雨澤羣生  
普使躋仁壽

贈秋月長老

秋月既虛明禪心亦清淨心月兩無虧  
炯然大圓鏡流光燭萬物萬物咸鮮瑩  
倒影入千江千江悉輝映情塵

苟不掃倏忽迷真性所以學道人于此分凡聖視身等  
虛空無得亦無證偉哉寒山翁與汝安心竟

慧菴

鄧江張孟善氏貌古性方好直言慕王陵汲黯之為人與俗多忤因扁其所居之室曰慧

菴以自况室傍別開小圃圃中無花卉蔬果之  
冗唯植藥數畦以資隣里之貧病者其友西域  
鶴年取古史苦言藥也之遺意作  
慧夫治藥圃詩以貽之其詞曰

小圃不盈畝偏側背江郭種藥有慧夫庵居甘澹泊參  
苓充服食杞菊成帷箔抱甕不辭勞荷鋤寧改樂平生  
慕陵黯直道盡謬諤固知逆耳言即是瞑眩藥世無狄

金定四庫全書  
卷一  
公籠誰收治民瘼何須持方柄齟齬納圓鑿余亦種瓜  
人歲晏同盤礴

送赤土磯巡檢徐白任滿

人生天地間忠孝理最大之子知所先秉之若圭玠小  
試弓刀職長懷襁褓恩由來忠蓋士多出孝義門便便  
善辭令濟濟習容止忠孝苟不立締繡加大豕羨子負  
才氣玉立當青春一飯不遑暇志在君與親桓桓領壯  
夫赫赫巡大邑鷓鴣張悉就擒鼠竊亦屏息耕桑各按堵

老稚春風中。瓜期忽已屆。入謁蓬萊宮。車騎挽莫留。別  
我大江側。臨歧欲贈言。老病多慚德。青雲賢路開。俊又  
俱登庸。自此躋臚仕。毋忘孝與忠。

題碧梧軒

為胡公  
鼎作

威鳳出羽族。乃為王者瑞。飛翔九千仞。覽德斯一至。和  
鳴周室興。來儀舜廷治。高軒植北梧。萬一幸而致。慨然  
千載懷。孰敢謂不智。柰彼積石遙。往來良不易。先生人  
中鳳。文章五色備。肯作朝陽鳴。亦足瑞斯世。



贈賢士樂孟傑

越人有至鑑明德以為基視疾洞表裏談笑驅三尸神  
聖不自居託以飲上池今人重勢利晝夜營已私心志  
先蠱惑仁術安所施大廈既已傾一木何能支孟傑古  
廉士天錫仁壽資蚤歲失所怙長懷罔極悲力學岐黃  
術百歲奉慈闈朱顏映華髮和氣春熙熙因推老老意  
遂及親與知東隣抱膏肓西里困瘡痍刀圭一入口沈  
痼忽若遺樂也無德色賢聲日四馳越人久羽化緒言

百世師今古不二致樂也其勉之

五言排律

題竹

太守見階下新竹數竿秀色鬱然可愛索予賦詩敬製長律一十八韻

楚楚新移竹脩脩已出林渭川元接葉淇水本聯陰既

忝軒墀重應蒙雨露深芝蘭方並植荆棘敢相侵有荷

栽培力無慚變化心長身龍夭矯密羽翠蕭森委砌風

飄錦篩庭日布金竒材仲連箭雅韻伯牙琴欵乃歌頻

度平安問每臨風雲今自飽冰雪舊能任豈獨松梅友

仍多草木欽琅玕。擎使節。玳瑁合朋簪。直可扶衰老。貞  
堪載古今。釣鼇期大用。引鳳壓羣音。詞客題詩到。幽人  
載酒尋煙旌。朝冉冉。月燾夜沈沈。展席臨秋水。鈎簾對  
夕岑。清風驅酷暑。一為豁煩襟。

逃禪室述懷一十六韻

出處兩茫然。低徊每自憐。本無經國術。仍乏買山錢。故  
邑三千里。他鄉二十年。力微歸計杳。身遠客心懸。桃李  
誰家樹。禾麻傍舍田。鷄衣秋屢結。蝸室歲頻遷。逝水終

難復寒灰更不然久要成齟齬多病復沈綿俯仰衷情  
倦棲遲野性便延徐誰下榻訪戴獨回舡恥洒窮途泣  
閒脩淨土緣談元分上下味道悉中邊有相皆非妄無  
才幸苟全棲雲同白鹿飲露效元蟬高蹈慚真隱狂歌  
愧昔賢惟餘空念在山寺日逃禪

題西圃卷

為蕪湖  
順中作

坐閱桑田變歸為菽水謀聊從西圃隱少慰北堂憂汲  
月滄江曉鋤雲沃野秋新蔬和雨摘碩果帶霜收嘉樹

巢烏鳥閒庭下白鷗管寧金不顧季路米應求千載誰  
同調東陵有故侯

送鐵佛寺盟長老還襄陽

盟居襄陽父死方在殞  
遇亂奉母逃難江南餘

三十年常典藏鑰於蔣山主武昌鐵佛寺而振  
興之及今道路既通乃奉母北歸而葬其父喪  
士大夫以為方外所未有咸作詩文美  
之鶴年因製五言排律二十韻附卷末

襄漢揚波日江湖避地時行行隨老母處處禮名師雲  
水元無住風塵信所之睦州勤奉養江革備艱危掌鑰  
鍾山下傳燈鄂渚湄剎翻龍藏典幾詠鶴樓詩深慨叢

林廢真成一木支銅仙頻閱世鐵佛重開基法几雕文  
具靈樞刺綵絲雲鐘晨縹緲月殿夜參差已悟無生法  
還興罔極悲他鄉敷教律有母共追隨卜兆將營墓言  
歸故可期望雲雙淚瀉計日寸心馳官柳催飛錫曇花  
侑奠儀既明埋玉理豈是繫珠癡定應眠牛兆母生觸  
鹿疑春暉憐舊線秋露薦新祠生死俱無憾諸方起孝  
思

靜樂

靜樂者章貴處士節翁之齋號也翁已仙去  
其子尚忠尚信不忍死其親求士人詩文以



詠其潛德予重二子之事死如事生也  
製五言排律十韻寄之以慰其孝思云


詩豈意無為道翻成罔極悲二

飲水心愈潔看山意更遲傷烏

路增新感煙霞遂宿期閉門春

育雲志仍工白雪詞每憐司馬

在句緘題慰孝思



送武昌知縣潘公考滿



依依武昌柳灼灼河陽花看花思善政折柳送仙槎樊

詞民瘼三年德化藹如春政

朝玉京雲開天霽飛鳧輕爽

重老臣河陽花武昌柳勿剪

甘棠一歲春風一回首



依  
依  
武  
昌  
柳

鶴  
年  
詩  
集

三

鶴年詩集卷一

欽定四庫全書



元 丁鶴年 撰

駕曾一遊雕檻看雲楚山曉  
雲月長無恙補賦崔詩角清壯

西風忽動庾公塵仙人仍歸九天上

植携軒

為天台吳處士賦

徂徠蒼松榦嶧陽孤桐枝矯矯卧龍節娟娟棲鳳姿  
桐中琴瑟松棟梁采之斲之生輝光明堂清廟即登用回  
首故山雲路長鳳凰不來龍已去携散當軒承雨露

贈元溟鍊師

神僊中人毛外史方瞳深碧虬髯紫了知大道本無為  
況是谷神元不死偶因救旱驅元溟倒瀉銀漢如建瓴  
功成不居拂衣去洞庭渺渺君山青

贈相工

宋忠臣姜才  
之孫姜奉先

德祐忠臣好孫子爛爛目光巖雷紫人間富貴等浮雲  
瑣瑣何煩掛唇齒灑灑瀕險蜀道難曳裾傍人多厚顏留  
取乾坤雙老眼夕陽牛背看青山

紫芝山房

為四明處士夢紫芝  
生於別野因置墓廬

先翁胸中有丘壑預築園亭向山郭清宵忽夢紫芝生  
地靈獻瑞真佳城只今諸孫仍肯構風姿矯矯如芝秀  
一門朱紫自此升始知吉夢為休徵始知吉夢為休徵

千載無慚下馬陵

雙溪草堂

為叙南游克成先生作堂之側有琴蓋山雙溪出其下繞堂而來

曰琴曰蓋皆名山雙溪袞袞來其間  
玉龍齊驅繞地軸青鸞並翥朝天闕  
草堂先生足風致擊空明兮攬空翠  
英才樂育貢春官始識先生仁且知

贈戴原正

戴生眼如電讀書夜忘眠  
清晨盥櫛罷起居慈母前  
母身康寧子心喜讀書還向書帷裏  
綴文調餽秋復春鳳

凰符彩騶虞仁天心一回四海平治明堂掄材清廟需  
器棟梁瑚璉寧汝棄

離鸞篇

為四明張孟善祖母祝節婦而作

孤鳳病且死聘鸞以為偶引頸哀鳴託其後鸞對以臆  
肯以首惡烏啄其雛飄風撼其巢伏育補葺鸞不辭勞  
雛日以長能反哺巢日以廣多牖戶天錫壽考既和且  
平每一對鏡猶復悲鳴始終德義俱無愧乃知鸞鳳所  
以為世瑞



胡節婦

一自失良人年年不見春  
常時折花處青苔滿行路  
即金垂老百事非篋中惟有嫁時衣  
姑終養子成立望夫差勝山頭石

樂節婦

荼蓼未為苦薑桂未為辛  
累累辛苦者無若未亡人  
欲隨世苟活生則同室死同槨  
欲殉夫並殂阿婆方老兒  
方孤朝養姑暮教子泉下良人猶不死

送周侍郎定江剡賦稅還大都

代杭城  
父老作

戈甲三邊靜車書四海同時平尚文治策士明光宮龍  
沙公子清且美玉立芙蓉照秋水前席才名賈誼賢出  
關氣槩終軍偉恭捧帝符臨下方鄉雲五色分天章星  
輅小駐武陵驛炎海六月生清涼宣朝廷德意問閭閻  
疾苦遊民亦占籍編戶悉按堵力役均平賦斂輕去者  
謳歌來鼓舞觀風采謠乃使之職任賢使能惟帝之德  
目擊盛事豈容緘默乃歌曰生逢舜日當堯天經營內

外皆英賢八十衰翁百無補茅簷擊壤歌豐年

題餘姚葉敬常州判海堤卷

補先兄太守遺缺

陰霓夜吼風雨急坤維震蕩元溟立桑田變海人為魚  
葉侯訴天天為泣侯奉天命誅妖霓下平水土安羣黎  
嶙峋老骨不肯朽化作姚江捍海堤海堤蜿蜒如削壁  
橫截狂瀾三萬尺堤內畊桑堤外漁民物欣欣始生息  
潮頭月落啼早鴉柴門半啟臨漚沙柳根白舫賣魚市  
花底青帘沽酒家花柳村村各按堵世變侯仙脩成古

侯雖已矣遺愛存時聽叢祠咽蕭鼓人生何必九鼎榮  
廟食貴有千載名君不聞一杯河水決瓠子沈馬親勤  
漢皇祀又不聞一帶江波泛蜀都刻犀散勝秦人愚江  
平河塞世猶駭何況堂堂障滄海論功不啻濟川才砥  
柱東南千萬載嗚呼只今四海俱橫流平地風波沈九  
州蒼生引領望援溺州縣有官非葉侯州縣有官非葉  
侯禦災誰復憂民憂

書揭秘監所撰李處士墓銘後

為孝子李  
思親作

亭亭高岡松上有雙棲鳥朝出營其巢暮歸哺其雛雌  
雄和鳴尾畢逋巢成雛長鳥雙殂月明夜靜雛影孤南  
飛繞樹聲號呼西溪之澣南山之隅啣土為墓口卒瘞  
蓬萊老仙憫其慈孝俱錫以五彩鳳凰羽徑寸驪龍珠  
光芒晝夜燭墓廬哀哀既慰情始舒振迅羽翮思天衢  
故巢歲晚牖戶虛飄飄風雨無時無纏綿補葺良艱劬  
君不見秦家桂樹空扶疎高枝却使鴟梟居

環翠樓歌

為餘姚道  
士梁公作

大山摩穹霄小山翻洪濤或翔丹穴鳳或舞寒江蛟奔  
騰起伏竒觀不可狀雲錦屏風金碧障中有仙家太古  
壇鳥啼花發春自閉子晉鸞笙乘月過王喬鳧舄凌雲  
還環翠樓開紫霞裏更揖鷄峰朝舜水千巖秀色傍牕  
浮萬壑濤聲從座起煙消日出天溶溶玉峯倒插金芙蓉  
蒼鈎簾相對坐長夏灑然冰雪生心胸君不見天台嵯  
峨四萬八千丈若非雷車羽輪那得上又不見終南盤  
亘中原五百里天梯雲棧懸絕那可履何如羽人高居



金定四庫全書  
卷二  
環翠樓調笑日月輕公侯仙韶靈響每坐聽日觀霞城  
時卧遊還丹鍊就顏如玉讀書學道日不足琅函金檢  
五千言錦帙牙籤三萬軸星為冠分霓為裳或叅麒麟  
翳鳳凰翩翩上遊白雲鄉手把絳節朝紫皇鈞天九奏  
賜霞觴醉乘冷風還下方眼空四海小八荒層樓樓真  
壽而昌此名此境孰敢當藍山道士身姓梁

送僧淨皓書童正思所作詩序後

童郎豪爽士平生少許可獨於皓上人珠璣發咳唾上



人學法英妙年叅遍諸方文字禪鐵鞋踏破石頭路教  
外方知別有傳童郎我同道上人我同鄉相逢江上折  
官柳離思悠悠江水長

送鐵佛寺益公了庵朝京遊浙

世尊出西域教化極東土大道本無為盛德人所慕只  
今滅度二千年授經弟子如親傳我生懶僻苦貪佛或  
謂三生有勝緣武昌鐵佛古名刹兵燹荐臻孰承之益  
公崛起振宗風至味嚼人如嚼蠟相逢一笑即相親下

榻東軒忘主賓薰爐茗椀坐清夜從容軟語溫如春曉  
來別我朝京國短策輕袍適吳越吳越山水天下奇寶  
坊金刹皆人傑公今叅訪必遇人六根一掃無纖塵錢  
唐潮音華頂月獨露堂堂見本真從此平生大事畢頓  
覺身心樂無極踢翻大海水逆流半夜中天出紅日我  
有故人僧中雄不遠千里來詩筒煩公問訊向何處說  
法今留兜率宮

送蔡士廉舍人奔訃還四明

公家東海濱我昔共鄉縣今同寓鄂渚十年不一見公  
從藩府典禮儀入侍須早出每遲不將况愛要鄉譽直  
以孤忠結主知雪松貞操寒逾勁冰玉清聲老更馳府  
中諸彥皆人傑政事文章稱二絕重公質朴古人風平  
揖下堂要罄折身名俱泰心獨悲甘旨親庭千里隔一  
朝鶴海寄雲槭阿翁已作蓬萊客仰觀喬木戰飄風五  
內分崩面深墨我聞往弔始見公我足蹒跚公髮白相  
看話舊重咨嗟少日風流那復得花明春泛越王湖月

欽定四庫全書  
卷二  
皎秋尋賀公宅賞花弄月秋復春詩酒清狂多故人直  
倚青年驕白日豈知碧水揚黃塵從此東西各星散我  
憶同遊如夢幻秋風江上漫思鱸夜雨關河愁聽鴈公  
當大事賜告歸片帆東下孤雲飛里中長老久相待一  
見喜極還沾衣儻問題詩者誰子道即遼東丁令威

送奉祠王良佐奔計還兗城

究為禮義鄉自昔多名士佐也游夏徒力學能崛起三  
冬文史富才華萬言入對天王家駢蟾秋折廣寒桂走

馬春看長安花承恩筮仕御史府風生臺閣膺僉舉雅  
知嚴敬授祠官奉禮山川來大楚祠宮清暇日有餘焚  
香危坐讀父書門外猶維桓典馬釜中屢出菜蕪魚嗟  
子老病衡茅下時人棄置如土苴多公高誼數相過茅  
塞心胸賴陶瀉霜風一夜吹庭闈椿萱並瘁色養違再  
拜滂沱悲涕出千里看雲匍匐歸佳城已卜牛眠地屏  
繞泰山帶圍泗種松畚土展孝誠傍水依山礪仁知知  
明仁熟政乃攻終喪還謁蓬萊宮致君堯舜付公等佇

金定四庫全書  
卷二  
令四海回淳風五風十雨年屢豐吾何幸為田舍翁

送奚仲瑛進士服闋朝京

奚郎健筆凌高秋排雲直上蟾宮遊一枝丹桂許先折  
歸來兩袖天香浮早年掄材服官政百里秋毫歸藻鏡  
躬承天語佐夏官幕下清談烽燧靜家書忽報丁內艱  
讀禮還依孔子山教育英才樂人樂一旦徵書到巖壑  
鯤鵬從此徙南溟鳳凰仍舊巢阿閣

望雲思親圖

為王大  
使作



山人愛雲不離山巢居只在雲松間枕泉漱玉弄明月  
此心直與雲俱閒達官愛雲雲作侶平步青雲稱高舉  
天瓢一滴慰蒼生大旱用汝為霖雨王公出處與此二  
者殊十年遊宦感離居衣上猶存慈母線手中長把嚴  
君書日日看雲不遑暇為有吾親舍其下恨身不得逐  
雲飛却寫飛雲入圖畫公餘展翫凝心神見雲如見吾  
雙親卷圖仍寄吾親舍永奉高堂長壽身狄公盛事王  
公繼今古孝思同一致



竹林書屋

為修江王  
伯厚作

王郎高標絕塵俗，牽茅自結清風屋。屋中充棟積古書，  
屋外循簷種脩竹。離離實垂珠，森森笋抽玉。鸞鳳食有  
餘，虎豹文亦足。時時把書卷，自向竹下讀。禮義深服膺，  
聖賢常在目。王郎學道今有年，半是臞儒半是仙。清修  
酷與此君似，中通外潤直且堅。平生不作桃李媚，歲寒  
風節恒凜然。不隨沈湎唐六逸，不效曠達晉七賢。清淨  
仙石壇，焚香究元元。客來不交語，共坐蔚藍天。蒲輪他

日訪幽側以道匡君流惠澤功成太史不一書却汗青  
青為簡策

七言律詩

兀兀

數莖白髮鏡中新兀兀窮年愧此身萬里雲霄雙倦羽  
千尋江漢一窮鱗望鄉薄暮憑西日去國中宵禮北辰  
客路漸遙身漸老此生何以報君親

勞勞

金定四庫全書  
卷二  
閭闔排雲事已休勞勞猶恥為身謀數莖白髮未為老  
一寸丹心都是愁燕代地高山北峙荆揚天闊水東流  
英雄已去空形勝劔氣沖霄射斗牛

元夕

燈火樓臺錦繡筵誰家簫鼓夜喧闐光連星斗天逾近  
影倒山河月正圓金鎖開闔明似晝銅壺傳漏迴如年  
五雲不奏霓裳曲空使揚州望眼穿

託太師

淮海重聞斧鉞臨一時黎庶盡傾心雷霆聲播天威遠  
霖雨恩添帝澤深暗室有蠅污白壁明廷無象鑄黃金  
風塵未息英雄死坐對江山慨古今

斬公子

中朝公子多才俊瀟灑風塵獨斬侯白鴈久無天上信  
黑貂漸敝雪中裘虛堂簾影遲遲晝別館燈光淡淡秋  
到手深盃須劇飲醉鄉消得古今愁

故宮人

粉愁香怨不勝情，強整殘粧對老兵。  
別殿金蓮餘故步，後庭玉樹變新聲。  
眼穿鴈字雲連塞，夢斷羊車月滿城。  
天上挑開王母去，世人誰識許飛瓊。

別帽

雲樣飄蕭月樣圓，百年雄麗壓南冠。  
黃金綴頂攢文羽，白壁垂纓間木難。  
刺繡尚期平敵壘，簪花曾夢舞仙壇。  
一從吹墮西風裏，誰念蒙塵白髮寒。

雪後泛東湖

雪後湖山玉作圍  
小舟乘興弄清輝  
貪看月裏鸞回舞  
不覺風前鷁退飛  
雲母屏空春閨寂  
水晶宮冷晚霏微  
仙家一笑乾坤老  
誰馭瑤池八駿歸

梧竹軒

為鳳浦  
方氏作

鳳鳥曾聞此地過  
至今梧竹滿丘阿  
政懷剪葉書周史  
却恨翻枝入楚歌  
金井月明秋影薄  
石壇風細晚涼多  
中郎去後知音少  
共負奇材奈老何

九靈山房圖

為戴先  
生作

九靈別業何年到聊作新圖寄所思幽谷白雲晴窈窕  
高簷翠樹曉參差輞川已入王維畫章典仍傳杜甫詩  
咫尺相望成萬里卧游心事許誰知

二靈寺守歲

守歲山房迴絕緣燈光香炷共蕭然無人更獻椒花頌  
有客同叅栢子禪已悟化城非樂界不知今夕是何年  
憂心悄悄渾忘寐坐待扶桑日麗天

元旦寄朝真宮諸道侶



窮陰殘臘喜全消淑景新正倍覺饒一氣挽春回厚軸  
五雲扶日麗層霄媚時久厭銀幡巧卜歲深期玉燭調  
最愛羣仙持絳節朝真不憚九天遥

暮春感懷二首

杜宇聲聲喚客愁故園何處此登樓落花飛絮成春夢  
剩水殘山異昔遊歌扇多情明月在舞衣無跡綵雲收  
東皇去後韶華盡老圃寒香別有秋

四十無聞懶漫身放情丘壑任天真悠悠往事杯中物

赫赫詩名扇外塵短策看雲松寺晚疎簾聽雨草堂春  
山花水鳥皆知已百遍相過不厭頻

奉寄王宣慰兼呈九靈先生

別館新成足宴遊珊珊環珮總名流獨推南郭為高士  
共識東陵是故侯天上鸚花三月麗人間風雨五更愁  
行藏盡付浮雲外爛醉豐年黍稔秋

奉寄九靈先生四首

先生嘗為  
予作傳

扶海懷山謁紫宸擬將忠孝報君親忽從華表聞遼鶴

却抱遺經泣魯麟，喪亂行藏心似鐵。  
蹉跎勲業鬢如銀，萬言緣筆今無用。  
間向林泉紀逸民。

花柳村村接海濱，攜家隨處避風塵。  
衣冠栗里猶存晉，雞犬桃源久絕秦。  
對坐青山渾不厭，忘機白鳥自相親。  
也知出處關時運，豈但逃名效隱淪。

早將長策靖三邊，晚抱孤忠守一廛。  
出處久推張翰達，登臨重覺謝安賢。  
煙霞丘壑龍山屐，風月汀洲鳳浦船。

東望三神纔咫尺，不妨來往挾飛仙。

龍山鳳浦皆海濱地名

金定四庫全書  
卷二  
清泉白石兩脩然仙隱何妨日似年頗厭文章妨大道  
却從竒耦玩先天雲間犬舐燒丹鼎雨裏龍耕種玉田  
終歲不聞城府事閉門閒著養生篇

寄定海故將軍卽公輔

往事浮雲杳莫攀壯懷未展鬢先斑不聞奉使通銀漢  
空見將軍老玉關故壘荒涼千騎盡滄溟浩蕩一鷗閒  
風塵隨處嚴訶止愁殺田間野老還

逃禪室與蘇伊舉話舊有感

不學揚雄事草元且隨蘇晉暫逃禪無錐可卓香巖地  
有柱難擎祀國天謾詫丹霞燒木佛誰憐清露泣銅仙  
茫茫東海皆魚鱉何處堪容魯仲連

寄餘姚滑伯仁先生

獨木橋邊薜荔門全家移住水雲村猿聲叫夜丹山靜  
蜃氣橫秋碧海昏詩卷自書新甲子藥壺別貯小乾坤  
陶魚耕稼遺風在差勝桃源長子孫

寄餘姚宋無逸先生

餘姚有舜江夏山漢  
劉使君樊夫人仙跡

龍泉城外絕囂喧寄傲全勝在漆園獨對江山懷舜禹  
每憑風月問劉樊行窩醜酒花園席野寺題詩竹滿軒  
回首崑岡空劫火深期十襲保瓊璠

雨中寄楊彥常先生

山中長夏苦淫雨暫爾出門還不能九天馭日力已竭  
四海橫雲愁陪增憐君畏途久作客笑我淨社常依僧  
相思倚柱發清笈旁人不解谷空磨

贈李全真

名止水故威  
順王門人也



元元孫子元都客汗漫長遊宇宙間黃鶴白雲迷鄂渚  
青牛紫炁滿函關袖中寶劍雌雄合鼎內金丹大小還  
不見吹笙王子晉秋來幾度到緱山

題太守兄遺稿後二首

太守兄死事之明年子篋中得遺詩一卷伏讀之次

不知涕泗之橫流也敬題二詩于後以紀哀思云

海國期年政化成肩輿隨處看春耕正欣鷄犬無驚擾  
詎意鯨鯢有鬪爭遙島月明虛燕寢故山雲令失佳城  
夢回佳句難重得腸斷池塘草又生



金定四庫全書  
卷二  
黑風吹海浪如山獨跨長駮去不還身世雲烟遊物外  
文章奎壁照人間彤庭朝朔雙鳧遠綠野行春五馬閒  
老我急難餘淚在一回撫卷一潺湲

逃禪室卧病有懷故鄉東諸友生

謀生失計倍淒涼扶病將歸自激昂那得金丹生羽翼  
只將鐵石作肝腸日長獨卧維摩室歲晚全荒陸氏莊  
幸際諸公各當道應思孤客久迷方

兵後還武昌二首

避亂移家大海隈  
楚雲湘月首頻回  
歸期實悞王孫草  
遠信虛憑驛使梅  
天地無情時屢改  
江山有待我重來  
白頭哀怨知多少  
欲賦慚無庾信才

亂定還家兩鬢蒼  
物情人事總堪傷  
西風古塚遊狐兔  
落日荒郊卧虎狼  
五柳久非陶令宅  
百花今豈杜陵莊  
舊遊回首都成夢  
獨數殘更坐夜長

夢得先妣墓

己未夏五月還武昌遷葬兵後陵谷  
變遷先妣封樹竟迷所在久尋不得

露禱大雪中冬十一月二十日夜忽感異  
夢翌日遂得其處賦詩一首以記歲月云

慈顏幽翳杳難知風雪孤村遍訪之極浦空江泥滑滑  
荒岡斷壠塚累累那知恍惚魂歸夜正是呼號淚盡時  
孝格皇天吾豈敢聊同烏鳥報恩私

過九江追悼李子威太守

瓣香遙拜九江城太守精神日月明叔姪並歸忠義傳  
江山不盡古今情潮回湓浦聲猶怒雲起爐峯氣未平  
生死總魁天下士丈夫端不負科名

哭陣亡仲兄烈膽萬戶

獨騎鐵馬突重圍。斬將褰旗疾似飛。金虎分符開幕府。  
玉龍橫劍衛邦畿。委身盡國心方盡。裹革還鄉願竟違。  
病卧滄江憐弱弟。看雲徒有淚沾衣。

奉懷先師豫章周孝思先生

先生有道負清時。經濟無由見設施。白水青山聊自適。  
光風霽月復誰知。出塵標格三株樹。瑞世文章五色芝。  
鳴鳳不聞人亦去。生芻一束起遐思。

題昌國普陀寺二首

寺在浙江寧波府東南海島間。即昌國州之故墟也。

神鼇屹立戴崔嵬，俯瞰滄溟水。一杯積翠自天開，罨畫  
布金隨地起。樓臺祈靈漢使乘，槎到傳法胡僧折。葦來  
若使祖龍知勝槩，豈應驅石訪蓬萊。  
昆明劫火忽重然，字內名山悉變遷。古刹獨存龍伯國，  
豐碑尤記兔兎年。三更日浴咸池水，八月潮吞渤海天。  
雲漢靈槎如可御，便應長往問羣仙。

寄見心長老二首

時陞住靈隱  
號天香老人

豫章老子取能文，禪海詞林總逸羣。弧矢機鋒天下避，

圭璋聲價日邊聞  
晝長經閣繙新鈔  
歲晚詩壇策舊勳  
自古靈山名勝地  
幾多龍象望慈雲

上方借榻動經春  
道義交情久更親  
滌器每憐司馬病  
卓錫不厭仰山貧  
茶煙隔座論文夜  
花雨霑筵聽法晨  
一自天香通鼻觀  
六根無處著纖塵

秋夜宿定水寺天香閣有懷見心長老

寂寂雙峰映澗流  
重來托宿敞雲樓  
窗涵虛白三更月  
簾捲空青一色秋  
頗有高情酬勝賞  
可無奇句入冥搜

天風開遍岩前桂誰為蒸香寄澹遊

梅南道人讀易圖

為四明陸  
都事賦

畫省歸來謝縉紳傍梅觀易最清真孤根下應先天氣  
太極中含大地春傲晚乾坤雙老眼婆婆香影一吟身  
歲寒莫問調羹事且作者英會裏人

方寸室

為甬東故處士盛子  
賜以遺其子維學

道義謀生本自然何煩負郭更求田由來方寸留畊地  
即是虛靈不昧天春雨既濡先澤遠秋風肯穫後昆賢



不忘種德辛勤意餘慶朝朝大有年

南湖漁隱

為故憲史徐子仁兄弟題

冰蘖同聲想二難南湖寄傲水雲寬  
並投清憲飛霜簡對把滄浪釣月竿  
蟻夢無憑應易斷鷗盟有待竟長寒  
卷中名勝多親舊三復遺文一永歎

瑞草堂

為慈溪孫原道兄弟賦

手種叢萱孝感深陽和隨見破窮陰  
侵凌雪色雙華萼報荅春輝寸草心  
疎翠近分書帶碧嫩黃遙映壽觴金

忘憂坐對高堂晚更聽埙篪奏好音

知歸庵

為四明董氏作

袞袞紅塵未息機斯人何事獨知歸  
青山不辨將來計白髮徒嗟既往非  
谷口雲霞隨葛屨沙頭魚鳥識荷衣  
自漸潦倒江湖表猶對旋丘賦式微

九曲山房

夏母墓廬也

九曲園亭結構牢畫圖誰為重揮毫  
蛟螭起陸巖巖秀風雨號空樹木高  
五色神光通岳氣三秋明水薦溪毛

瀧岡墓表情何急手把柘椽淚滿袍

樊口隱居

為武昌李均玉作

萬里雲霄斂翼回掛冠高卧大江隈春深門巷先生柳  
雪後園林處士梅翠擁樊山邀杖履綠浮漢水映樽壘  
誰能領取坡仙鶴月下吹簫共往來

巽江草堂

為章貢節尚志作

巽山環拱巽波涵瀟灑茅堂在蔚藍明月倒懸天上下  
清風遠播地東南尋盟鷗鷺閒情適坐鎮魚龍老氣酣

最愛行藏兼吏隱詩成應擬百花潭

戲贈劉雲翁

千金不惜買新聲贏得風流老更成  
銀甕葡萄浮臘蟻金屏窈窕囀春鶯  
香凝宴寢頻開席花暗閒房合度笙  
夜宴未終賓客醉莫將明燭照華纓

長江萬里圖

右逾越嵩左蓬壺萬里提封入壯圖  
斷石雲屯山擁蜀鷺濤雪立海吞吳  
蟠桃有實來青鳥若木無枝駐赤烏

秦漢經營人盡去，獨留形勝在寰區。

錢塘懷古

錢塘佳麗冠南州，故國繁華逐水流。  
龍虎已消王霸氣，江山空鎖古今愁。  
吳臣廟冷潮喧夜，宋主陵荒塔倚秋。  
最是西湖歌舞地，數聲漁笛散鳧鷗。

戲贈應修吉

硯溪居士神仙侶，短髮蕭蕭雪滿簪。  
暖老恨無燕趙玉，養生賴有玖離金。  
床頭酒熟留僧飲，席上詩成對客吟。

詞定四庫全書  
卷二  
歲晚山空誰是伴  
北窗梅月寂知心

重到西湖

湧金風月昔追歡  
一旦狂歌變永歎  
錦綉湖山兵氣合  
金銀樓閣劫灰寒  
雪晴林野梅何在  
霜冷蘇堤柳自殘  
欲買畫船尋舊約  
荒煙野水浩漫漫

水光林影圖

為簡翁作

知是平泉是輞川  
水光林影共悠然  
薜蘿涼映紛紛月  
蘋藻清涵湛湛天  
微颭翠旗龍天矯  
倒開金鏡鳳翩翻

此中真趣誰能辨吏隱雪間一散仙

水光山色齋

為前朝搢紳  
張勉夫作

新構茅齋絕世紛水光山色喜平分  
四窗涼湧玻璃月一榻晴封紫翠雲  
鳥度畫屏迷遠黛魚吹清鏡動圓紋  
往來半是漁樵侶閒話興亡坐夕曛

假館武當宮承舒庵贈詩次韻奉謝二首

一歸琳館即逍遙無復驅馳混市器  
載酒每承文士過關茶頻赴羽人邀  
三清風露從天下五色雲霞匝地飄



匡坐不眠神益正靜聽笙鶴度中宵

去天尺五去人遥地位清高隔世囂  
秘閣校書多考索初筵設醴重招邀  
每看賦雪才無敵便覺凌雲氣欲飄  
枉騎敢煩臨暑夕拏舟或可候寒宵

公約來就宿時六月

次吳翁中秋詩韻

西風黃鶴舊磯頭皓月中分此夕秋  
烏鵲無依頻繞樹魚龍有喜競乘流  
烟雲盡捲天逾大河漢低垂地欲浮  
擬買桂花陪勝賞老來佳句恐難酬

再用前韻

次年中秋翁在史館僕留鄂渚悠然興懷復用前韻以寄

庾公樓上鄂城頭  
乘月今為第幾秋  
大地長天俱並照  
明河晦海各分流  
寒光下瀉方諸溢  
顯氣高騰沆瀣浮  
不見故人吳季子  
百年清興若為酬

送奉祠康仲謙致仕還陝西

大國祠官致仕歸  
秋風祖帳足光輝  
青松黃菊先廬在  
白髮蒼顏故老稀  
久奉山川詣祀典  
遠迎鄉黨識朝衣  
家居重念君恩厚  
日送南來一鴈來

送貝惟學武昌省親復還吳淞

黃鶴磯頭捲雪濤，孝廉舟穩載時髦。  
故廬先壟歸心切，慈母難兄別思勞。  
千里蓴羹宜具饌，三秋菊酒稱題糕。  
到家正及登高會，瀟灑誰同白苧袍。

送人使高麗

文物中朝宰相家，聯芳五桂至今誇。  
百年重喜孫枝盛，萬里遙瞻使節華。  
揚谷宵分賓日馭，天河秋早候星槎。  
朝鮮自昔知才辯，佇見勲名被邇遐。

秋素軒為涂以諒賦

新涼夜透讀書帷  
瀟灑軒居素景宜  
黃菊有香風瑟瑟  
白蓮無質月遲遲  
垂綸水檻沙鷗狎  
步屨柴門野鶴隨  
除却天光與雲影  
更無一物在襟期

次韻陸伯暘梅花詩

小車厭看洛陽花  
夢想林逋處士家  
十里湖山春淺淡  
一枝雪月夜橫斜  
孤高不受金尊賞  
清冷無煩錦帳遮  
今日重吟香影裏  
百年風致未為賒

挽衛知事胡公鼎二首

江海論交四十年，故家文物羨君賢。  
燈前夜雨書連屋，花下春風酒滿船。  
舍瑟肯居曾點後，著鞭寧讓祖生先。  
他鄉重會清歡極，我送輶車一泫然。

自構幽軒倚碧梧，琴樽時復集名儒。  
一官迢遞來黃鶴，五夜悲涼夢白駒。  
盛有良籌遺細柳，可無高義致生芻。  
孤兒扶柩歸程遠，啼殺林間返哺烏。

挽故豫章義士吳復原

挺生英傑百夫防高義孤忠少頡頏艱食屢分圖共濟  
危城百戰誓同亡延津劍去秋無氣合浦珠還夜有光  
三復園亭新墓表哀榮寧獨在瀧岡

挽吳公祐祭酒母劉夫人二首

淑容玉潤氣冰清擇對仍歸間世英四德遠從麟趾化  
九苞親見鳳毛成正當愛日調珍鼎遽爾乘雲上玉京  
回首仙蹤無覓處雙峯雨露倍傷情

母儀婦道重當今共說夫人獨苦心教子遂成雙白璧

救夫不惜萬黃金家庭遺愛留名郡

父嘗為興國監郡

阡表新

銘出翰林每遇良辰增孝感板輿間却在花陰

題吳公祐祭酒雙峯雨露亭

春到先塋雨露饒思亭新構報劬勞碧涵一水吞天闊

玉立雙峯拔地高每想音容增怵惕還因精氣感薰蒿

通家二世深恩在把筆題詩淚滿袍

挽謝伯昇母王安人

蘭蕙為心玉作姿閨門彝範後人師齊眉致敬過賓禮



和膽資勤冠母儀歲晚靈椿聯奕葉春深文梓長孫枝  
正當琴瑟偕娛老豈意栝棣感孝思

武餘清樂為致仕尹將軍賦

汗馬功成即引年登山臨水小遊仙印紋久秘微生綠  
字韻新成盡入元深造煙霞靈運屐浩歌風月鄂君船  
貽謀尚有孫吳略膝下時時課一篇

紫閣山房為史仲魚賦

太華諸峯紫閣竒結茅應不負幽期遠分空翠來函谷

靜寫脩蛾入漢陂紅日屋頭臨照近白雲窗外卷舒遲  
曳裾自到金門下猿鶴無時惱夢思

送長史管公時敏朝京

黃鶴樓前畫舫開送車千輛動浮埃楚人獨數蘇從諫  
齊士誰過管仲才報政每隨鷓鴣入覽輝重見鳳凰來  
君心東注同江漢一一數陳對玉臺

次向自誠韻

自誠為子築行窩于所  
居以詩見意次韵奉謝

道究先天太乙初金門大德復誰如已承丹篆三天錄

選讀青黎午夜書華表忽歸遼海鶴仙庖頻食武昌魚  
行窩處處春風裏擬辦堯夫洛下車

春暉堂

江夏雷道夫奉  
母呂夫人之所

羣專盡待青陽發萱草先侵白雪還蔚矣芳心承麗景  
宛然愉色奉慈顏陳王葵藿君臣際謝傅芝蘭伯仲間  
忠養無違家慶遠韶光常映舞衣斑

歲寒書屋

四明俞用吉御史  
早年歲脩之所

學究天人獨下帷歲寒元自有深期若非文史三冬足

安得功名百世垂  
臺閣生風當此日  
軒窗映雪已多時  
由來不負澄清志  
冰蘖聲名草木知

謝伯昇愈疾

伯昇起于沈疴合  
府諸彦為詩稱謝

故人素擅岐黃術  
今我兼承管鮑知  
高義百年存古道  
沈疴一旦起神醫  
杏林春早繁花合  
橘井秋深美實垂  
最愛相酬無長物  
數篇清絕盛唐詩

常秀軒為姻姪唐仲節賦

脩竹疎松一徑存  
故家德澤久培根  
歲寒並勵冰霜節

春永均霑雨露恩，翠蓋垂珠知結子。  
錦棚抽玉見生孫，要知奕葉承家慶。  
多在詩書禮義門。

送詹光夫之雲南通海校官

儒冠跋涉敢辭勞，直以詩書化不毛。  
盛世用文興禮樂，黌宮接武貢英髦。  
密依壇杏登絃誦，獨對山茶設醴醪。  
會見毓才功第一，歸來宮錦賜新袍。

得七友郭至善醫士哀問一首

不知大夢赴華胥，猶向來人問起居。  
藥圃春深餘故植，

芸窗日永列遺書獨憐宿草迷荒塚安得生芻致倚廬  
咫尺無由親執紼深漸千里巨卿車

俊骨英才孰與儔華星明月照清秋重傷賈誼才無敵  
深慟顏淵德最優過墓自當留寶劍濟河誰復共仙舟  
極知修短俱天命老淚無端似水流

寄鉉宗鼎

時在定水蒲庵開居定水寺  
號雙峯在海濱地名鶴皋

開士幽棲何處是一庵瀟灑傍雙峯彈琴夜和鳴皋鶴  
呪鉢朝降渡海龍萬里思鄉瞻北斗十年學道事西宗

故人海內皆星散，憶爾山中冰雪容。

夜宿染上人溪舍

雲去禪關戶牖空，清溪碧樹有無中。  
倒涵天影魚吞月，逆戰秋風犬吠風。  
見性本圖先作佛，勞形翻愧早成翁。  
杜陵老去歸無計，來徃那辭惱贊公。

獨松庵

獨撫長松晝掩扉，歲寒高節想無違。  
茯苓春暖供齋鉢，蘿薜秋涼上道衣。  
夜靜平川龍起蟄，月明滄海鶴來歸。



淨瓶滿貯菩提水恐有人叅第一機

題建昌王子中橋亭八景

八景者一曰澧陂春漲有石梁長橋跨于陂上

一曰龍湫朝嵐望之長山峻嶺綿亘蜿蜒有宅踞於山巔相傳為許旌陽故居所謂香爐紫烟也又有中華翠嶺峯頭有浮邱伯仙字他若田東暮兩天竇懸崖聖容僧鐘高原仙苗攬之不盡吟之不足漫賦二律以示王君予蓋已臥遊其中矣

橋亭風景洞天如中有儒仙舊隱廬春漲接蓋涵蟠竦  
曉嵐滴翠濕芙蓉渠受詩華嶽浮邱館說劍香爐許令居  
識得此中真面目山光水色上衣裾

浮生自分老樵漁收拾名山落筆餘雲外懸崖飛屐上  
雨中沃壤帶經鋤疎鐘鯨吼霜華重長笛龍吟月色虛  
老我塵寰懷勝景追遊早晚命中車

送進士都爾嘉色哈出宰三山

龍沙公子龍頭客錦繡胸襟玉雪顏一日蜚英驚四海  
九天承寵宰三山花前封印青春醉槐下鳴琴白晝閒  
守令近民勤聖念早須報政五雲間

觀太守兄昌國勸農

東臯風日媚新晴太守躬畊曉出城裊裊雙旌穿柳過  
蕭蕭五馬踏花行扶藜父老陪諮訪騎竹兒童主送迎  
豈意兵荒南北遍化行滄海獨昇平

頌歷

腐儒避地海東偏鳳歷頌春下九天載拜帝堯新正朔  
永懷神禹舊山川廟堂久託君臣契藩閫兼操將相權  
只在忠良勤翊戴萬方行覩至元年

勉戴元學

才名籍甚冠時髦愛爾青年氣獨豪千里共誇騏驥足  
九苞爭覩鳳凰毛月中折桂雲生足天上看花日映袍  
宦達每由稽古力夜窗燈火莫辭勞

贈陳章甫

少年仗劍遊京國豪氣崢嶸壓五陵柳綠御溝春飲馬  
草黃上苑曉呼鷹日邊冠蓋人人識雪後舟航處處乘  
白首歸來尋舊隱高談驚座羨君能

寄西湖林一貞先生

錦繡湖山世絕稀  
東風不放賞心違  
芙蓉揚柳臨清淺  
佛剎仙宮繞翠微  
舫載春天上  
坐紫駟馱醉月中歸  
高情獨有林和靖  
門掩晴空看鶴飛

送潘允章歸天台定省

從師久客鄞江館  
重憶庭闈問起居  
五彩早成萊子服  
一經今授伏生書  
落花荒草春停騎  
斜日孤雲暮倚闌  
暫爾南歸仍北上  
萬言數對玉階除  
天土昏冥日如血  
木石次張撫軍韻二首  
青平席餘香千里  
共翫翹翹只

先公昔鎮西南日幾拜殊恩出御筵桃李門前賓客盛  
芝蘭庭砌子孫賢百年遺愛齊民服一代鴻勳信史編  
最是撫軍能接武挑燈夜讀十三篇

堂堂雄略靖三邊疊疊清談動四筵夜月轅門嚴士卒  
春風幕府集才賢詩宗李杜元無敵書法孫吳每自編  
白首栖栖江海客遠煩馳寄錦雲篇

寄張廷言

千里關河阻重兵兩煩書札見深情故人我久知張祿

處士時多忌，櫛衡閱世正。當思豹變出，關何必待鷄鳴。  
莫嗟才大難為用，天運行將返治平。

送人歸故園

故園休道已休兵，客裏那堪送客行。老去別懷殊作惡，  
亂餘歸計倍關情。孤村月落羣鷄叫，絕塞天清一鴈橫。  
到日所親如見問，浪遊江海負平生。

次東軒居士韻

珠玉新詩照士林，長城寧畏短兵侵。春雲有態時時變，



秋水無痕岸岸深  
洛下才名推獨步  
越中山水喜重臨  
別來歲晚偏相憶  
誰折梅花慰渴心

丙午十一月二十四日夜夢回書事

抱病經時不出門  
存亡一一念諸昆  
兵戈隨處斷消息  
風雨終宵勞夢魂  
竹下題詩雲起硯  
花前度曲月當樽  
每因舊事增新感  
獨對寒燈拭淚痕

寄胡敬文縣尹

胡遂初真人海上漕舟北還得應奉兄書云湖廣兵後僅存胡公寄

以詩

湖北衣冠藹士林十年兵革盡消沈崑岡火後餘雙壁  
錦里書回抵萬金鳧鳥趨朝天闕近霓裳度曲月宮深  
誰知海上垂綸者去國長懸萬里心

奉寄表兄白留守兼呈楊廉使

白髮先朝舊從臣懸車徧看五湖春養恬高節矜特重  
優老濃恩奉拜頻每有緇黃談幻化可無朱紫問經綸  
座中不遇楊開府肯把平生對客陳

海巢

海上巢居海若降三山眼底小如缸已攀若木為華表  
更立樽桑作翠幢蛟室夜光晴燭戶蜃樓秋影冷涵窗  
鷓鴣夢斷無因到唯有同棲鶴一雙

太守兄遺紙帳仍贈以詩次韻奉謝

湘娥剪水雪刀勻虛室生白無纖氛壺中但覺風雨隔  
穀裏豈知天地分蟾光夜明楮葉露蝶夢春遠梨花雲  
恍然置我銀世界縱有瓊瑤難報君

渡鄞江後寄陸時敏陳可立

小舫橫江捷似飛故人凝睇送將歸  
過山殘照明紗帽  
渡水浮雲亂葦衣沙鳥水鷗同泛泛  
岸花汀草各依依  
風塵來往慚經濟擬著漁蓑坐釣磯

寄張左轄

張生脫略今有年食無梁肉眠無氈  
丈夫既與世不偶  
貧賤肯為人所憐齊眉已喜孟光敬  
剪髮况聞陶母賢  
拂衣歸來好共隱與爾並畊沮溺田

別四明親友

烏季善余伯雄諸公攜詩載酒  
相道鄞江之上賦此以謝之

春雨晴時春水生春風搖蕩別離情柳條弄色已堪折  
鶯語怯寒猶未明白雪翻聲歸錦軸紫霞流影入瑤觥  
當江打鼓放船去長揖同袍好弟兄

遷葬後還四明途中寄武昌親友

浪遊吳越任荆湘來往那辭道路長篋內有書慙歷國  
邸中無綬敢誇鄉潮生別浦江雲白塵起征途野日黃  
若問離人行役苦十宵九夢在瀧岡

九日登定海虎蹲山

東海十年多契闊西風九日獨登臨天高雲靜鴈初度  
水碧沙明龍自吟籬下菊花憐我瘦盃中竹葉為誰深  
凭高眺遠無窮恨志國懷鄉一寸心

腐儒

落魄乾坤一腐儒生逢四海日艱虞異邦作客歌黃鳥  
空谷懷人詠白駒豈有縱橫干七國亦無詞賦儼三閭  
時危那敢辭貧賤第恨長年走畏途

春雨避地

春雨避地  
春風欲卷  
春風欲卷  
春風欲卷  
春風欲卷  
春風欲卷  
春風欲卷  
春風欲卷  
春風欲卷  
春風欲卷

避地長年大海東  
蕭條生事野人同  
深春耒耜孤村雨  
落日帆檣遠浦風  
那得文章偕隱豹  
聊將音問託歸鴻  
平生自恨無仙骨  
五色蓬萊咫尺中

異鄉清明

十年瀕洞家何在  
萬里清明客未歸  
雨慙風儻花亂落  
泥融水暖燕交飛  
煙生榆柳推遷速  
雲鎖松楸拜掃違  
旅鴈盡回音問斷  
側身長望淚頻揮

卜居二首



木石為交不背盟卜居應得愜幽情  
雨苔蘸水溪魚上風葉墮堦山犬鳴  
習懶已成忘盥櫛避喧漸遠絕逢迎  
義肥百戰收全勝特為耽詩太瘦生

小村雖僻俗敦龐背負崇山面俯江  
月冷靈虬潛絕壑雨晴仙犬吠流淙  
緼袍禦臘辭紈袴瓦甕浮春謝玉缸  
偶為清羸聊採藥亦非竊比鹿門龐

寄昌國濟汝舟長老

先兄太守嘗  
題詩于方丈

西江禪伯住東溟境接蓬萊地最靈  
折木秋濤浮座白

扶桑朝影拂蒼青已無鶴近雲間錫祇有龍聽月下經  
李白騎鯨天上去題詩誰復扣岩扃

寓奉化寺寄菩提寺主

菩提嶺外空王寺丹磴行穿虎豹羣萬壑濤聲巖下瀑  
千峯雨氣屋頭雲海龍送水金瓶貯天女懷香寶鼎焚  
慚愧無緣塵土客朝朝鐘鼓下方聞

奉寄恕中韞禪師

曾向名山識異人心如木石氣如春坐禪霜葉秋埋膝

行道天花日繞身有鉢相傳元是幻無錐可著本非貧

惟餘潭底中秋月對寫龍峯面目真

時留龍峯傳燈

寄龍門海禪師

予自海東初回龍門嘗招予入社故有還家鶴之喻也

曾向龍門俯急流泰山如垤海如漚學仙漫比還家鶴  
作佛須看露地牛遠岫孤雲歸薄暮澄潭一月印清秋  
葛川舊主三生約擬策枯藤到上頭

寄東湖濬天淵長老伯仲

平湖一鑑涵空明千鬟照影羣峰晴  
慈雲或將花雨過

幽泉盡學松濤鳴清猿對戶忽長嘯老鶴下階時獨行  
何人最得此中趣無著天親好弟兄

送鎧聲外侍者還定水寺

侍者乃見心長老入室高弟

侍者還山脩白業何須門外問三車微塵有相皆成幻  
大道無歧直到家月滿秋巖收桂子雪消春澗采蒲芽

阿師宏教人獅子佇見傳衣後代誇

寺有天香室蒲庵故云

送信立庵長老住靈巖寺

寺即吳王避暑宮也山中古跡有香逕硯池涵

空閣

上人駐錫靈巖寺正是諸天聽法時  
日下幡幢朝旒旒雲間鐘鼓晝遲遲  
殘紅掩冉迷香徑空翠溟濛落硯池  
不盡平生懷古意涵空閣上一題詩

題東湖青山寺古鼎銘長老鍾秀閣

手開樓閣貯羣經面對湖山衛百靈  
玉鏡夜寒通沆瀣翠屏秋淨倒空青  
避煙鶴起簷間樹行雨龍歸几上瓶  
我亦逃禪雲水客便應蕭散共松扃

題二靈山房

在東湖為澹天淵長老作

寶刹憑虛戶牖開羣峰北走水南迴六鰲夜涌金銀闕  
九鳳朝陽紫翠堆日靜雲間飛錫下月明天上渡杯來  
談元每就巖房宿最愛三車有辨才

題澹然齋

為慈溪閨上人賦

寂寂禪扃掩晝陰呵師道味此中深一塵不涉冰霜操  
萬鏡俱空水月心駐屐寒香生小徑捲簾秋色上疎林  
莫愁客至無清供元酒盈樽好共斟

題悠然軒

為慈溪教上人賦

香消靜室定回時真趣忘言祇自知雲淡風輕天蕩蕩  
鳶飛魚躍晝遲遲傳來西竺元無法坐對南山或有詩  
不是淵明來入社百年誰與共襟期

清勝軒

為姑蘇閨上人作

繞屋松杉手自栽重陰長日護蒼苔一溪窈窕花間入  
三徑參差竹下開夜半霜鐘寧假達秋深月鏡本無臺  
主人定起焚香坐何處扁舟棹雪來

此子景

為平江韞上人作

此夫水南與六鷺齊而金雞聞



尺樹盆池曲檻前老禪清興擬林泉氣吞渤澥波盈掬  
勢壓崆峒石一拳彷彿烟霞生隙地分明日月在壺天  
旁人莫訝胸襟隘毫髮從來立大千

半村

為姑蘇信立  
庵禪師作

庵居背郭稱疎慵道韻清孤野趣濃花徑縈回通小市  
竹窗窈窕納遙峰五更風遞巖城角半夜霜沉古寺鐘  
昨日隣翁告東作四郊春起降雲龍

雲石

為貞長  
老作

坐石看雲絕百非空山終歲澹相依卧龍春暖潛噓氣  
伏虎年深不振威已向諸天陳瑞彩更從厯劫拂銖衣  
驀然觸著無拘擬蕩蕩乾坤自在飛

白石

為吳公  
宗師作

雪色雲根出翠微堅貞不與道心違塵空自比神仙鏡  
踏滑誰叅佛祖機豈為礪金非世用都緣韞玉發山輝  
點頭默契生公法絕勝商歌歎短衣

寓東湖二靈寺

二靈古稱山水窟興來獨往亦一奇扣舷時聞小海唱  
奪海復覩長江詩月中聽鶴坐不寐煙外盟鷗歸每遲  
桃花流水儻得路便應黃髮為漁師

次義上人韻

冥樓九隴傍雲松茗盃熏爐取次供月滿長空秋放鶴  
雨昏大海晝降龍病中普施諸方食定裏長聞上界鐘  
明哲古來多玩世不妨隨處舞三筇

再用前韻贈祖庭興上人

匡廬攬秀昔巢松水色山光左右供日下竒峰金作鳳  
雲間飛瀑玉為龍撲簾空翠霑晴几枕枕寒濤隱暮鐘  
從此胸中富丘壑乾坤萬里一吟筇

悼湖心寺壁東文上人

祇林一葉墮秋霜回首滄洲淚兩行几上殘經塵已暗  
篋中遺稿墨猶香雲迷圓澤三生石月冷維摩十笏房  
想像清容何處記寒梅的的竹蒼蒼

山居詩三首呈諸道侶

一榻東軒迥絕緣寒巖枯木共忘年雖非悟道龐居士  
豈是耽詩賈闋仙禪定儘教崖石坐法音都付澗湍傳  
晴牕終日無他伎只辨飢餐與困眠

日日看山眼倍明更無一事可關情掃開積雪巖前坐  
領取閒雲隴上行不共羽人談木易懶從衲子話無生  
劃然時發蘇門嘯遙答風聲及水聲

懶散形骸不自持黃冠聊束鬢邊絲頻來猿鶴渾相識  
久混龍蛇竟不知養拙最宜情澹泊全生深藉德支離

看雲本自忘飢渴  
況有冰泉與石芝

逃禪室解嘲

久慕陶公卧北窓  
還從馬祖吸西江  
掃愁那用千金帚  
折幔惟瞻七寶幢  
日晏捲簾延疊嶂  
雨晴敲枕聽流淙  
周妻何肉俱無累  
祇有詩魔老未降

寄鄭高士

閉門凝坐學長生  
七返還丹一息成  
野服春深裁白苧  
山庖日午薦黃精  
煙中鹿引朝真駕  
月下鸞隨度曲笙

却笑秦人太癡絕樓船萬里訪蓬瀛

方瞳廣穎古先生氣秉先天獨混成辟穀齋房食石髓  
採苓幽澗殺山精星辰夜動龍纏劍風露秋清鶴載笙  
別後仙蹤杳難覓相思幾度夢登瀛

寄武昌南山白雲老人

姓衡字均執先人時故舊  
家居未嘗入城市聞鶴年

辛苦遠還遣子弟問遺不絕鶴年足疾  
日劇弗克往拜床下謹奉拙詩少致謝

故人家住南山下  
心與白雲共瀟灑  
芝草遙賡黃綺歌  
蓮花近入宗雷社  
嗟予江海避風塵  
白首歸來失所親



青眼相看如昔日只有南山與故人

自詠十律

長淮橫潰袖非輕坐見中流砥柱傾  
太守九江先效死諸公四海尚偷生  
風雲意氣慚豪傑雨露恩榮負聖明  
一望神州一搔首天南天北若為情

腐儒避地海東邊鳳歷頒春下九天  
再拜帝堯新正朔永懷神禹舊山川  
廟堂久託君臣契藩閫兼操將相權  
只在忠良勤翊戴萬方行覩至元年

一夜西風到海濱  
樓船東出海揚塵  
坐慚黃歇三千客  
死慕田橫五百人  
紀歲自應書甲子  
朝元誰共守庚申  
悲歌舞罷龍泉劍  
獨立蒼溟望北辰

羲軒道德久荒唐  
蕩蕩宏圖起世皇  
天入清都逾廣大  
日臨化國倍舒長  
渥洼萬里來騏驎  
阿閣千年下鳳凰  
聖子神孫承寶祚  
長令億兆樂時康

堂堂至正最多材  
萬國同文壽域開  
漠北諸生登第去  
越南計吏進賢來  
鳳韶九奏黃金殿  
鶴駕三朝白玉臺

金定曰盧全言  
卷二  
回首黃塵揚碧海五雲無處覓蓬萊

金銀宮闕五雲鄉曾見羣仙奉玉皇濟濟夔龍興禮樂  
桓桓方虎靖封疆自淪碣石滄溟底誰索元珠赤水傍  
獨有遺民負悲憤草間忍死待宣光

千官何處扈宸遊回首風塵徧九州黃竹雪深迷玉輦  
蒼梧雲斷見珠丘令威不盡去家怨精衛豈勝填海愁  
大禹胼胝天所眷肯教綸邑久淹留

六軍遙駐墨河濱故國丘墟詎忍聞露冷金銅應獨泣

火炎玉石竟俱焚  
虞淵日暮無還景  
禹穴秋深有斷雲  
草澤遺民今白髮  
憑高無柰思紛紛

皇天輔德本無親  
興復寧論地與民  
綸有一成終祀夏  
楚雖三戶竟亡秦  
昆蟲咸被生成德  
草木猶懷化育仁  
洪運未移神器在  
周宣漢武果何人

九鼎神州竟陸沈  
偷生江海復山林  
頻繁誰在隆中顧  
憔悴唯餘澤畔吟  
齒雪心危天日遠  
看雲淚盡歲時深  
百年家國無窮事  
可得忘機老漢陰

七言排律

詠雪三十韻

露闕雙開太素天，通明殿裏宴羣仙。  
娉婷後隊瓊花簇，瀟灑前班玉笋聯。  
步月霓裳輕冉冉，御風鶴氅捷翩翩。  
明珠玳瑁遺懸佩，碎壁玲瓏委墮鈿。  
掩日韜霞呈絕巧，鏤冰剪水鬪清妍。  
瑤池桃熟迎王滿，銀漢槎回送使騫。  
上界乘時誇富貴，下方何路告顛連。  
自從宇宙縱橫亂，頻使閭閻苦樂偏。  
出塞共愁貂帽重，趨朝爭羨鵝袍鮮。

未春上苑先飛絮不夜邊城正折綿陰窖孤忠蘇武節  
空齋獨冷廣文邇羊羔已屬將軍飲鳳髓還歸學士煎  
僵卧洛陽晨閉戶清狂剡曲夜回船軟裘快馬增朝爽  
破屋孤鐻壓暝烟狂走平原丞相犬飢鳴廢壘伏波鳶  
梁園作賦頻呵筆灞岸尋詩懶著鞭入地豈應蝗滅跡  
聚沙那辨路聯拳謫潮未免啣冤去破蔡終期奏凱還  
糞壤眼前蒙暫庇穿坑脚底已虛填盡驅瘴癘南侵越  
直逞陰威北犯燕就暖羽毛違絕漠避寒鱗甲蟄深淵

樓臺遠近皆粧飾陵谷高低悉變遷已詐清宵為白晝  
還誣歎歲作豐年艤灘漁艇愁膠拖失道征鞍畏沒羈  
隱匿瑕玳稱淨域朦朧硤确號平田聲隨折竹驚歌枕  
影逐殘梅亂舞筵助雪驟添風凜烈惡明深妬月嬋娟  
蟹行莎盡寧知止蚕食桑空未肯眠欺老虐貧俱食效  
呈祥表瑞總訛傳何當紅日升暘谷盡化流澌赴百川

上明州太守茶子俊

還武昌遷莖  
告牋而作

漢江東抱楚山流先壠猶餘土一坏廟冷桐鄉耆舊迹



田荒粟里子孫愁  
兵戈隔夢三千里  
霜露傷心二十秋  
荒隧天寒烏鳥下  
空林日落白狐遊  
碑焚斷石經時變  
盜出遺金有夜偷  
過客尚知來下馬  
僂翁誰識指眠牛  
擬從樊口遷京口  
遙別沙頭下石頭  
高士東芻思致奠  
故人惠麥久維舟  
已知多病垂垂老  
敢為長貧故故留  
為政幸逢宗正恕  
申情當念子平憂  
劬勞罔報生何益  
存歿沾恩死必酬  
願及清明三月節  
一盂麥飯洒松楸

投贈鍾經歷

告牋還武  
昌省墓

穎川家世少游車大府從容贊畫餘  
泛水依蓮饒勝賞  
飲冰啖蘖富清譽高談賓幕風生席  
退食公庭月照閭  
最愛小胥勤吏牘更逢太守重詩書  
登樓望海吟懷遠  
拄笏看山雅度舒  
藥籠參苓隨選擇  
花蹊桃李藉吹嘘  
殊方有客飄零久  
先壠無人拜掃疎  
化筆久推公道在  
況曾同食武昌魚

上武昌太守傅藻

守墓間  
陳情

蕭蕭五馬駕雙旌  
太守承恩下玉京  
氣槩浮雲蒸華嶽

胸襟弱水浸蓬瀛擁經東出辭儲館分竹西來鎮鄂城  
地轉陽春蘓赤子天回霖雨濟蒼生掃除積弊文書簡  
慰藉羣情賦斂輕每以哀矜存豈弟還從擿發見神明  
笑談頰息清河訟指顧潛消渤海兵已喜箕裘傳傳說  
行看車馬賜桓榮閭閻有學皆興起畝畝無田不播畊  
懸榻每因高士下清樽多為上賓傾過山問俗雲生履  
出郭勸農雨潑纓月滿南樓揮麈坐花明北榭引車行  
題詩每擬招崔顥作賦何曾厭禰衡感化屢聞馴虎渡

志機不使狎鷗鷺蒲門桃李新陰暖遍野桑麻曉色晴  
汗簡定應書善政口碑先已播賢聲肯憐倦客垂青盼  
特為明公寫素誠作縣前人書上考登科後裔厠羣英  
亂離一去榮華盡契闊重來坎壈嬰豈為尊羹思故里  
敬將麥飯灑先塋陶潛柳盡家何在潘岳花殘邑屢更  
鶴髮遺民供祀事龜趺斷碣載題名獨歸華表叮嚀語  
誰顧鹽車俛仰鳴往事易成蕉鹿夢舊遊難覓黍雞盟  
履殘濡露心逾苦目斷停雲淚更橫已幸元堂新政厝

猶慚丙舍未經營名隨版籍遥編越身戀松楸重去荆  
存沒離魂同慘慘往還孤影復熒熒敢方王祭依劉表  
竊冀興宗念子平為政古來先孝弟願伸人子未伸情

過安慶追悼余文貞公

將軍疋馬入舒城擊賊頻頻訓義兵孝以保家忠殉國  
聚而出戰散歸畊園侔月暈全無隙捷振天威大有聲  
游說飛書徒間謀輸誠仗節愈堅貞雲梯屢却妖氛豁  
露布交馳殺氣平千里荆揚憑保障七年淮海賴澄清

山深狻猊殲還出江闊鯨鯢斬更橫外援內儲俱斷絕  
裹瘡飲血獨支撐天昏苦霧埋營壘日落陰風捲旆旌  
甘與張巡為厲死肯同王行悞蒼生三千將士皆從死  
百二山河亦繼傾靜對風霆思號令遙從箕尾識精誠  
頌碑不愧詞臣色哀詔徧傷聖主情願為執鞭生不遂  
臨風一酌重沾纓

讀應奉兄登科記愴然傷懷因成八韻

射策彤廷被寵榮遺經三復若為情重傷趙璧經時毀

翻恨隋珠徹夜明  
洪範有書傳太乙  
佳城無郭葬長庚  
青雲路斷甘淪沒  
碧海塵飛苦變更  
自信為臣當委質  
誰能向賊更求生  
家貧寡弱遺妻子  
道遠存亡隔弟兄  
一旦音容成永訣  
十年涕淚鎮交橫  
茫茫原隰無求處  
獨立長風送鴈聲

七言絕句

敬書宸翰後

神龍歸卧北溟波  
愁絕陰山勅勒歌  
惟有遺珠光奪日



萬年留得照山河

題弟郎天馬圖

春明立仗氣如山  
顧盼俄空十二閑  
一去瑤池消息斷  
西風吹影落人間

題桃源圖

拔舟長怪武陵人  
強覓桃花洞裏春  
若使仙源通一線  
如何避得虎狼秦

暮春二首

楊花榆莢攪晴空上界春歸下界同  
蜂蝶紛紛竟何在  
獨留杜宇怨殘紅

一夕春歸徧九垓  
千紅萬紫盡塵埃  
韶光淑氣逡巡退  
暑雨炎風爛漫來

題畫

江樹青紅江草黃  
好山不斷楚天長  
雲中樓觀無人住  
只有秋聲送夕陽

題萬歲山玩月圖

金銀樓觀鬱嵯峨琪樹風涼秋漸多  
徒倚危欄倍惆悵  
月中猶見舊山河

題畫葡萄

故人毛楚哲作

西域葡萄事已非  
故人揮灑出天機  
碧雲涼冷驪龍睡  
拾得遺珠月下歸

榮枯

春意方酣紅杏蕊  
秋聲又戰碧梧枝  
野人不識春官歷  
坐閱榮枯紀歲時

牡丹

名花傾國不凡材  
池館春深尚未開  
風雨一宵桃李盡  
異香清曉九天來

梧桐

井梧徹夜下霜風  
錦綉園林瞬息空  
老盡秋容何足惜  
鳳巢吹墮月明中

聞簫

給喪未必無周勃  
乞食誰能辨伍員  
昨日英雄今日恨

洞簫忍向亂中聞

聞鴈

月落江城轉四更  
旅魂和夢到灤京  
醒來獨背寒燈坐  
風送長空鴈幾聲

贈鄭氏

每病漢民歌布粟  
忍聞秦俗德耰鋤  
鄭家九葉猶同爨  
風化知今古不如

題梅花扇面寄五十僉憲

憶向西湖踏早春萬花如玉月如銀一枝照影臨清淺  
滿面冰霜似故人

題族兄馬子英進士梅花

池館春深看牡丹五陵車馬隘長安誰知凜凜冰霜際  
却是梅花守歲寒

題前人竹石嘉樹圖

翠實可充丹鳳食喬枝仍待早鶯遷一拳蒼蘚荒秋雨  
惆悵無人解補天

題表兄賽景初院中新竹

景初故咸陽王  
賽音齊之孫也

雙玉亭亭出粉牆便添風月入吟觴  
會看直上三千尺  
截簡先書異姓王

贈表兄賽景初

蕭條門巷舊王孫旋寫黃庭換綠樽  
富貴倘來還自去  
只留清氣在乾坤

雨窗宴坐與表兄論作詩寫字之法各一首

南窗薄暮雨如絲茗盃熏爐共論詩  
天趣悠悠人意表



忘言相對坐多時

蠅頭小楷寫烏絲字字鍾王盡可師  
忽悟庖犧初畫象工夫元不在臨池

題顧仲贄先生南山遺稿後

元豹無心守九關日隨霧雨隱南山  
莫嗟遺躰同羊犬猶託文章見一斑

題林泉野趣圖

清江白石帶疎林樊口幽居尚可尋  
夢裏草堂無恙在

欽定四庫全書  
卷二  
秋風春雨總關心

題猫

食有溪魚卧有裊有恩深重更無倫若將乳鼠誇為瑞  
恐負隆冬蜡祭人

題鷹

脩翎快劍爪剛鉤自獵平生恥下韝擊盡秋原鴉與獍  
却從靈囿鳳麟遊

題鴈

兵戈故國日凋殘  
野蔓荒烟白骨寒  
目送飛鴻度關塞  
有書無處報平安

題鶯

當年百疇上林苑  
死身愈高時韻愈奇  
兵火十年喬木盡  
託棲那敢怨枝卑

元日與天淵長老雪後泛溪

不將柏葉圍爐飲  
却為梅花放棹看  
詩在灞橋驢子上  
阿師空忍雪山寒

迎大年椿上人植暮歸偶成

東歸聞道已浮杯力疾遙迎日幾迴  
何處晚來成誤認  
風簾竹影月窗梅

題椿上人梅花

娟娟淨色雪消餘  
剪剪寒香月上初  
標格若教諸佛見  
肯將蒼筍譬真如

寄龍門禪師二首

師自號  
補衲

上方樓閣闕煙霞  
補衲重來歲月賒  
拄杖入門如隔世

依然翠竹對黃花

靈山積雪赤城霞咫尺東西路不賒  
破碎衲衣剛補就  
不煩天女散天花

題天師竹

琅玕仙節鬱蕭森知受三天雨露深  
投老相求訪真訣  
獨騎龍杖度千岑

題畫

水榭山牕面面同  
縠紋波起鯉魚風  
溪頭艇子林間泛

來往能無避俗翁

題會稽王冕翁畫梅

永和筆陣在山陰  
家法惟君悟最深  
寫得梅花兼二妙  
右軍風致廣平心

紅梅

姑射仙人煉玉砂  
丹光晴貫洞中霞  
無端半夜東風起  
吹作江南第一花

紅梅翠竹

瓊仙服盡紫金丹不識人間有歲寒一笈荒村春似海  
戴歌淇澳報平安

水仙花二首

湘雲冉冉月依依翠袖霓裳作隊歸  
恠底香風吹不斷  
水晶宮裏宴江妃

影娥池上晚涼多羅韞生塵水不波  
一夜碧雲疑作夢  
醒來無奈月明何

竹枝詞二首



竹鷄啼處一聲聲  
山雨來時郎欲行  
蜀天恰似離人眼  
十日都無一日晴

水上摘蓮青的的  
泥中採藕白纖纖  
却是同根不同味  
蓮心清苦藕芽甜

題定海樂節婦劉氏沿江泣尋夫屍卷

怨入江雲結晝陰  
潮痕清淺淚痕深  
白頭重見黃泉下  
方盡寒燈一寸心

題松江梧桐鄉鳴鳳里朱節婦卷

手植梧桐不憚勞  
朝陽鳴鳳一來遨  
托棲未穩翻然逝  
慰眼惟遺五色毛

重到戴元學齋居

憶坐詩壇棹酒船  
花枝旖旎月嬋娟  
一從鳧鳥朝天去  
月夕花朝兩惘然

題竹間翁白馬圖

誰識驂騑汗血中  
靜團晴雪動生風  
一從選入天閑內  
不覺人間萬馬空

題唐申王三駿圖

三俊英英出渥洼  
太平芻粟飽天家  
誰知百戰平河北  
汗血功歸獅子花

戲題明皇照夜白圖

天上麒麟天下稀  
月中幾送八姨歸  
君王寓目應追悔  
悞看乘鸞度羽衣

題劉伯昇所藏蘭亭

右軍高致極清真  
盛集蘭亭詠暮春  
文彩風流那復見

摩挲遺墨想丰神

蘭蕙軒

為滁陽張景陽  
景昭兄弟所作

八龍夭矯同瑤席三鳳聯翩上玉堂  
爭似高軒蘭與蕙  
光風遠近遞清香

武昌南湖度夏

湖山新雨洗炎埃萬朵清蓮鏡裏開  
日暮菱歌動南浦  
女郎雙槳盪舟來

紅蓮白藕詩二首

紅蓮白藕兩相宜  
欲採臨流意轉遲  
蓮子縱甜心獨苦  
藕芽雖美腹多絲

採蓮採藕湖水潯  
阿儂踏歌郎賞音  
多虛少實如郎意  
外甜內苦似儂心

送蔡用嚴還四明二首

四明故舊苦無多  
死別生離奈若何  
老淚暗添江漢水  
隨人去作海東波

迢遙海國接江鄉  
一度懷人一斷腸  
正值西風搖落際

可堪重送蔡中郎

寄四明諸友

海上歸期苦恨遲  
歸心日與海爭馳  
故人有待吾衰矣  
一寸寒灰萬縷絲

寄武昌巖靜山賢友

出門便有好湖山  
對酒當歌莫暫閒  
不請自來留却去  
無情白髮與朱顏

次舒庵見訪韻

退食從容馬首東夕陽斜映柳營紅  
掃門將帥遙相待却訝寒齋訪秃翁

哭四明宋廷臣推官

角東郭外為隣住湖北城中值宦遊  
直擬千回同一日那知一別竟千秋

題水竹居卷

夜夢青鸞浴鳳池曉來水竹索題詩  
澆花吏隱無人繼老我風塵寫愧辭



寄武昌張尚本

綠鬢朱顏素節新  
歲寒風雪苦相侵  
明堂清廟登庸日  
佇聽簫韶奏治音

何樂齊語為合

秋葉不凋者時節為友風雲吾師野民堂香醴登氣日

鶴年詩集卷二本

欽定四庫全書

鶴年詩集卷三

元 丁鶴年 撰

四言

銘

行素軒

三衢張君師震以清才懿行有守有為而久滯  
下僚不以崇卑為欣戚名其軒曰行素西域鶴

年喜其名之稱也為之銘銘曰

素履所踐王道平平流行坎止一聽于天夏禹之憂顏  
淵之樂易地皆然道同天爵忠信篤敬蠻貊行焉戒心  
微服孔孟猶然彼美吉士力行其素屈伸利鈍隨其所  
遇廊廟匪崇闕鐸匪卑居易君子視此銘詩

復淵

武當高士郭復淵氏讀書學道研覃性命之懿  
西域鶴年為作復淵銘以勉之銘曰

沈沈止水如大圓鏡一波不生萬象交映彼美外史知  
止有定觀水之淵復我之性湛然虛明猶水之瑩寂然  
不動猶水之靜衆理具存四端隨應操之者仙念之者  
聖至道不煩主一持敬

竹隱圖

江夏奚翁隱居種竹其卒也二子伯瑄仲瑛俱  
以學行顯于時作竹隱圖寓其孝思以予與翁  
有素交之好請題其上敬製四十八字以識久

要之誼云

昔有君子隱居種竹截簡著書垂竿釣玉委順暮年孰  
繼芳躅二子秀發鬱若蒼筤文章雲錦節操冰霜圖諸  
座右庶幾美牆

菊泉軒

鄂渚甘翁引泉種菊以存晚節匡山吳先生題  
其軒曰菊泉西域鶴年乃為之銘銘曰

英英徑菊混混原泉凌霜悅茂挾雨潺湲以香以潔併

作清妍中有靜者于焉周旋采之服之愈疾引年濯之  
嗽之內澄外鮮德日以新壽日以延深存晚節慨慕先  
賢和歸來辭談秋水篇

養素齋

廣西叅議董元芳之謫戍辰陽也扁其所寓曰  
養素日以詩書自娛請銘于予視其所存有非  
世俗所能者是可無愧於銘齋矣

養浩配義行素順天夙夜孜孜以師聖賢不餒於內不



願乎外無入不得以直無害勗哉董子不舍三餘仕學  
兩優得失一如達不離道窮當益堅終始勿渝子其勉  
旃

附錄

鶴年兄吉雅摩迪音字元德至正間進士任浙東僉  
都元帥

寄邁里古斯院判

將軍辛苦事戎行麾下論兵總俊良沙漠蘇卿多感慨

鑑湖賀老自清狂風塵滿眼青山舊天地無私白髮長  
萬里君親俱在念扁舟何日賦滄浪

遊定水寺寄杜堯臣

水紋藤簟竹方牀山閣重陰雨後涼新月梧桐秋已老  
孤燈機杼夜初長白魚入饌松醪熟紅稻供炊笋脯香  
雲樹芝泉隨處好一時清賞肯相忘

題浙東廉訪知事楊仲儒先生死節卷

危城經百戰幕下得真儒冰蘖存孤操風雲入壯圖奇

功方破敵大節竟捐軀凜凜餘生氣千秋激懦夫

題天童寺朝元閣

海內兵塵已十年上方鐘鼓故依然使臣錫號承天寵  
中使函香出御筵山列九龍蟠紫翠樓開五鳳出雲煙  
藍輿亦有登山約擬聽松風借榻眠

贈陳章甫

三十年前鬢未蒼曾陪宰相入鴈行解衣換酒尋常醉  
躍馬看花取次忙亂後已非前日夢老來那復少年狂

黃冠野服新粧束穩把長竿釣海鄉

秋過弟鶴年書館夜話

弟兄惟我老宗族有君知萬里尚為客百年能幾時秋  
清妨熟寐夜靜話貞期明日匆匆別還生兩地思

鶴年弟盡棄紈綺故習清心學道特遺楮帳資其  
澹泊之好仍侑以詩

誰搗霜藤萬杵勻製成鶴帳隔塵氛香生蘆絮秋將老  
夢熟梅花夜未分枕上不迷巫峽雨床頭常對剡溪雲

竹爐松火茶煙煖一段清貞盡屬君

題畫竹為董文中賦

雨過蛟龍起風生翡翠寒無人知苦節落日下長安

假日燕集呈席上諸老

半生辛苦獨天知十載鄉關入夢思作郡正逢多事日  
揮毫不及少年時青衫有淚多如雨白髮無情亂若絲  
今日一樽諸老共臨風不醉復何辭

鶴年次兄阿里沙字允中至正間進士仕翰林應奉

題九靈山房圖

戴叔能  
讀書處

夢裏家山十載違，丹青咫尺是耶非。  
墨池新水春還滿，書閣浮雲晚更飛。  
張翰見機先引去，管寧避亂久忘歸。  
人生若解幽棲意，處處林丘有薜薇。

題餘姚州判官葉敬常海隄遺卷

潮汐東來勢蹴天，一隄橫捍萬家全。  
陵遷谷變人誰在，海晏河清事獨賢。  
曉日山川神禹跡，秋風禾黍有虞田。  
河渠他日書成績，應並宣房與代傳。

題鍾秀閣

為東湖古鼎  
銘長老作

檻外澄湖平不流  
窻間疊嶂屹將浮  
煙霞五色錦屏曉  
風月雙清瑤鏡秋  
蒼蒿濃香吹法席  
芙蓉涼影蕩仙舟  
結巢擬傍雲松住  
迴首朝簪愧未投

鶴年表兄吳惟善樊川人

寄武昌諸友

黃鵠山前漢水濱  
一時英俊總能文  
金釵佐酒年俱少  
銀燭抄書夜每分  
鴈杳魚沈勞遠思  
狼貪羊狠絕前聞



兵戈故國知誰在  
目斷西南日暮雲

東望接山海

東望接山海  
岸仙日扣關  
虎守月爐丹煉就

霜匣初飛還故  
松菊餘三徑  
老屋煙霞恰半間

林泉  
有幾人閒

題

初剪瑩無塵  
提攜不用深  
相憶

滿握清風即故人

小遊仙

定董雙成無端又作人間夢



浪洞庭乾一聲鐵笛風雲動

在危樓  
鐘磬

鶴年詩集卷三